

MØTEBOK

Kommune	Styre, råd, utval	Møtestad	Møtedato	Frå kl. 19.30 Til kl. 22.00
Aurland	fjellstyret	Fjordsenteret	19.5.20	

TIL STADES PÅ MØTET

Medlemar Sigurd Vikesland, Erling Nesbø, May Britt Martinsen, Leif Turlid,
Tor Olav Kvam

Vara- medlemar

Andre Håkon Øydvin, Harald Skjerdal.

HANDSAMA SAKER

Sak nr./år

17/20, 18/20, 19/20, 20/20, 21/20, 22/20, 23/20, 24/20, 25/20.

UNDERSKRIFTER

Vi stadfestar med våre underskrifter at blada i møteboka som vi har signert for er førde i samsvar med det som blei fastsett på møtet.

UTSKRIFTER

Hovudutskrift er sendt til

Fjellstyremedlemane og -varamedlemane, Aurland folkebibliotek.

SAKSUTGREIING

Aurland fjellstyre

Møtedato: 19.5.20

Stad: Fjordsenteret

Sak 17/20. Referat og meldingar

Følgjande meldingar låg føre:

- 1) Møtebok fjellstyremøte 21. april
- 2) 23. april: Fjellstyret sende søknad til Statskog SF om løyve til bygging av utedo i Nordheimsdalen, ved hytta ved Sagi.
- 3) 30. april: NFS sende ut info om 100-årsgåva frå fjellstyra
- 4) 4. mai: E-post frå Miljødirektoratet/Mattilsynet om revisjon av reetableringsplan for Nordfjella sone 1 og oppretting av reetableringsgruppe
- 5) Fjelloppsynet har teke i bruk Garmin In-reach som eit HMS-tiltak
- 6) 12. mai: E-post NFS: Kartlegging av dei økonomiske konsekvensane for fjellstyra av koronautbrotet
- 7) 18. mai: E-post frå Anders Veum, spørsmål om utsett mottak av fellingsløyve for rein til 2021 grunna studiesituasjon.
Merknad: Fjellstyret syner til tidlegare praksis, som er at det å studera utanfor kommunen ikkje vert godteke som god nok grunn til å få utsett mottak av tildelt fellingsløyve.
- 8) Sak om åting og brøyting av Rallarvegen er ute til høyring, og er m.a. komen til villreinutvalet.

Sak 18/20. Hjorte- og elgjakta i jaktfelt 2 i Nordheimsdalen, kontrakt med Aurland jakt- og fiskelag for 2020-23

Saksutgreiing med utkast til kontrakt låg føre.

Handsaming i møtet:

Andre strekpunkt i forslaget til vedtak må endrast litt: «For kvar ungdom som aktivt deltek i hjortejakta i Nordheimsdalen skal Aurland jakt- og fiskelag sleppa å betala grunnavgift for 1 dyr.» Fjellstyret vil gje jaktlaget til AJF høve til å fella to elgar; eit fritt dyr og ein kalv. Fjellstyret tek etterhald om at denne fordelinga kan endrast i løpet av kontraktperioden. Etter jaktpersonen til AJF, d.v.s. frå 1. november, har fjellstyret høve til å tilby elgjakt som dagskortjakt, dersom det er att løyve. Eit punkt med pålegg om prøvetaking for CWD vert teke inn i pkt. 6 i kontrakten.

Aurland, den 20.5.20

Utskrift til:

Fjellstyremedlemene og
-varamedlemene,
Aurland jakt- og fiskelag
Aurland folkebibliotek

SAKSUTGREIING

Aurland fjellstyre

Møtedato: 19.5.20

Stad: Fjordsenteret

Sak 18/20, framhald

Samrøystes vedtak:

- Aurland fjellstyre reduserer prisen på grunnavgifta for hjortejakta i Nordheimsdalen til 2000.- kr pr. løyve, kiloprisen for felte dyr skal aukast til 63.- kr/kg. Grunnavgifta på elgløyve vert auka til 3000.-, med ein kilopris på felte dyr på 63.- kr.
- Aurland fjellstyre tilbyr ungdom under 25 år som jaktar med Aurland jakt og fiskelag sitt jaktagratt gratis jakt. For kvar ungdom som aktivt deltek i hjortejakta i Nordheimsdalen, skal Aurland jakt og fiskelag sleppa å betala grunnavgift for 1 dyr, kun kiloprisen på 63.- kr. kg. pr. felte dyr.
- Aurland jakt og fiskelag vert pålagt å ta ut 13 hjorteløyve, dette skal inn i punkt 3 i leigeavtalen.
- Grunnavgifta på kalv vert fjerna så lenge kravet om bestandsreduksjon vert halde oppe. Skyting av kalv går heller ikkje på kvote, men ein skal betala kilopris på kr. 63.- kr. for felte dyr.
- Det er høve til å søkja om tilleggsdyr, men grunnavgifta må vera innbetalt før ein går ut på jakt.
- Aurland fjellstyre har arealet til det, og ynskjer å ta ut 2 elgløyve i Nordheimsdalen. Dette må avklarast med Aurland hjorteutval, som er styret i Aurland elgveld. Jaktlaget til Aurland jakt- og fiskelag får disponera 1 fellingsløyve for fritt dyr og 1 løyve for kalv (fordeling kan verta endra i kontraktperioden).
- Eit punkt med pålegg om prøvetaking for CWD vert teke inn i pkt. 6 i kontrakten.

Sak 19/20. Hjortejakta i Nordheimsdalen, kontraktutkast jaktfelt 1

Saksutgreiing med utkast til kontrakt låg føre.

Samrøystes vedtak:

Aurland fjellstyre godkjenner leigeavtalen til jaktfelt 1 i Nordheimsdalen med følgjande endringar i høve til tidlegare avtale:

- Aurland fjellstyre reduserer prisen på grunnavgifta for hjortejakta i Nordheimsdalen til 2000.- for vaksne dyr, kalven er gratis. Kiloprisen på felte dyr skal aukast til 63.- kr. kg.
- Aurland fjellstyre pålegg jaktlaget som får jakta på jaktfelt 1 i Nordheimsdalen å ta ut 6 løyve, dette skal inn i punkt 3 i leigeavtalen.
- Det er høve til å søkja om tilleggsdyr, men grunnavgifta må vera betalt før ein går ut på jakt.

Aurland, den 20.5.20

Utskrift til:

Fjellstyremedlemene og
-varamedlemene,
Aurland jakt- og fiskelag
Aurland folkebibliotek

SAKSUTGREIING

Aurland fjellstyre

Møtedato: 19.5.20

Stad: Fjordsenteret

Sak 20/20. Hjortejakta i Nordheimsdalen - vidareføring av ordning med dagskort, disponering av kvoten

Saksutgreiing låg føre.

Handsaming i møtet:

Dersom det er ledige elgløyve etter at jaktlaget til Aurland jakt- og fiskelag har avslutta jakta, kan fjellstyret tilby dette til dei som kjøper dagskort.

Samrøystes vedtak:

1. Aurland fjellstyre tilbyr sal av dagskort for hjortejakt i heile Nordheimsdalen frå og med 1. november til jaktslutt. Dersom det er ledig elgløyve per 1. november, kan dette inngå i tilbodet til dei som kjøper dagskort.
2. Tildelinga skjer etter søknad direkte til Aurland fjellstyre, med søknadsfrist 1. oktober. Kun innanbygds søkerarar, men dei kan ta med seg utanbygds gjestejegerar. Det blir trekt ei varamannsliste som ein fylgjer.
3. Kvart jaktag får tildelt like mange fellingsløyve for vaksne dyr/ungdyr som det er jegerar på laget, og kan i tillegg skyta kalvar.
4. Ein kan leiga ut til to jaktlag i veka, opptil 3 dagar på kvart lag. Dei første 14 dagane kan fordelast på førehånd, etter det skjer tildelinga etter kvart som det er ledige periodar og dyr att på fellingskvoten.
5. Viss ein jeger/ jaktag ikkje tek imot tilbodet, går ein berre vidare på varamannslista.
6. Kvart jaktag, v/jaktleiar, må skriva under jegerkontrakt med fjellstyret. Betaling av dagleige og underskriving av jegerkontrakt må skje før ein går i felt.
7. Viss det ikkje er att søkerarar på varamannslista og framleis ledige fellingsløyve, kan dei seljast med personleg oppmøte på fjellstyrekontoret .
8. Valdansvarleg må til ei kvar tid halda seg oppdatert på kven som er på jakt. Alle jaktlag må seia frå kva tid dei reiser ut på jakt, og gje melding når dei har avslutta jakta. Dette for å unngå uheldige episodar.

SAKSUTGREIING

Aurland fjellstyre

Møtedato: 19.5.20

Stad: Fjordsenteret

Sak 20/20, framhald:

PRISAR:

Det vert fastsett ein pris for jakta på kr. 400 per døger + kr 100 for kvar tilleggsjeger.
Kilopris for kjøtet er kr 63,- viss ein feller noko.

Disponering av restkvoten

Fjellstyret vidarefører ordninga med å tilby fellingsløyve til andre vald som ynskjer det, til kr 1500 per løyve, og elles på dei vilkåra som vart fastsette i sak 26/15:

- Det vert underskrive samjaktavtalar med dei aktuelle valda. Avtalane vert «einvegs» og det vert presisert at dei berre gjeld bruk av dei overførte fellingsløyva.
- Alle dyr som vert felte på dei overførde fellingsløyva må rapporterast inn til fjellstyret, slik at dei kjem inn i det samla fellingstalet som vert innrapportert for Nordheimsdalen. Fjellstyret dekkjer fellingsavgifta.

Sak 21/20. Småviltjakta i statsallmenningen 2020 – startdato, tal jaktkort, dagskvote

Saksutgreiing låg føre.

Samrøystes vedtak:

- Jakttida for jakt på rype og hare i Aurland statsallmenning for jaktåret 2020/2021 vert 25.9. – 23.12. Jakt på hare kan i tillegg føregå i tida 1.1. - 28.2. For andre artar, som rev, ramn, mår, røyskatt m.fl. gjeld jakttidene som er fastsette av staten.
- Dagskvoten vert fastsett til 2 ryper per jeger (gjeld for kvar kalenderdato, kan ikkje flytta «ubrukt» kvote frå ein dag til neste, eller mellom jegerar).
- Talet på kort som vert lagde ut for sal til utanbygdsbuande jegerar vert slik:
 - 25 dagskort
 - 25 todagarskort
 - 20 tredagarskort
 - 10 vekekort
 - 10 sesongkort

Derom det vert gjort avtale om sal av kort gjennom turistbedrifter, vert talet på kort selde gjennom Inatur redusert tilsvarande. I tillegg til tala ovanfor, kjem sal av jaktkort til innanbygdsbuande jegerar gjennom fjellstyrekontoret. Fjellstyret kan, om naudsint, gjera ei ny vurdering i august av kor mange jaktkort som skal seljast.

Aurland, den 20.5.20

Utskrift til: Fjellstyremedlemane og
-varamedlemene,
Aurland jakt- og fiskelag
Aurland folkebibliotek

SAKSUTGREIING

Aurland fjellstyre

Møtedato: 19.5.20

Stad: Fjordsenteret

Sak 22/20. Utleige Håbergsholene og andre hytter, smitteverntiltak

Saksutgreiing låg føre.

Handsaming i møtet:

Det vart drøfta kva ein gjer dersom nokon av dei som har vore gjester på ei fjellstyrehytte har vorte sjuke av korona e.l. Konklusjonen vart at det i så fall må meldast frå om til fjellstyret, slik at ein kan setja i verk naudsynte tiltak.

Samrøystes vedtak:

Fjellstyret innfører følgjande smitteverntiltak på fjellstyrehyttene sesongen 2020:

- Informera gjester ekstra godt om rutinar for vask og reinhold gjennom oppslag på hytter, info på heimeside og nettsida Inatur, direkte kontakt med gjester (telefon, e-post).
- Hytta i Håbergsholene vert reingjort av oppsynet før kvar ny utleigeperiode
- Ha lager med vaskemiddel, tvøger, gummihanskar og antibac på alle hytter.
- Det vert tilrådd at gjester har med eigne sengeklede.
- Sikra minimum ein dag utan gjester mellom kvar gruppe på hytta i Håbergsholene, betala attende deler av førehandsleiga dersom det vert aktuelt å korta inn leigeperiode.
- Prøva å spreia besøket på dei opne hyttene gjennom info på heimesida og kontakt med folk som ynskjer å nyutta hyttene. Unngå at fleire grupper kjem samstundes.
- Dersom nokon har vorte sjuk av korona e.l. under opphold på ei fjellstyrehytte, må fjellstyret gjevast melding, slik at naudsynte tiltak kan setjast i verk.

Sak 23/20. Samjaktavtale for reinsjakta i Nordfjella jakta 2020

Saksutgreiing låg føre.

Handsaming i møtet:

Fjellstyret meiner mandag 31. august vil vera høveleg innslagsdato for samjaktavtalen i år.

Samrøystes vedtak:

Aurland fjellstyre går inn for at ein nyttar likelydande samjaktavtale for Nordfjella i 2020 som den ein nyttta i 2019, men med innslagsdato for samjakt mandag 31. august.

SAKSUTGREIING

Aurland fjellstyre

Møtedato: 19.5.20

Stad: Fjordsenteret

Sak 24/20. Samjaktavtalen mellom statsallmenning og private jaktfelt i Aurland

Saksutgreiing låg føre, vedlagt avtalen som no har gått ut.

Handsaming i møtet:

Fjellstyret går inn for å vidareføra avtalen utan endringar. Som ei praktisk ordning, kan fjellstyrekontoret ta imot underskrivne avtalar frå dei einskilde jaktfeltha. Fristen for underskriving vert sett til 1. juli.

Samrøystes vedtak:

Fjellstyret sender samjaktavtalen, i den forma han har hatt dei siste 5 åra, over til grunneigarlaget for villreinvald i Aurland, med sikte på å få avtalen godkjend for ein ny 5-årsperiode. Fjellstyreleiar får fullmakt til å godkjenna ev. mindre endringar i ordlyden i avtalen, etter handsaming i grunneigarlaget.

Sak 25/20. Steinbergdalshytta – søknad om tilskot til bygningstiltak

Saksutgreiing, vedlagt søknaden frå Steinbergdalshytta, låg føre.

Handsaming i møtet:

Stramt fjellstyrerebudsjett med budsjettert underskot i 2020 gjer at fjellstyret ikkje finn å kunna løyva tilskot til dei planlagde tiltaka. Det vert og synt til at det vart gjeve tilskot i 2019.

Samrøystes vedtak:

Søknaden om tilskot frå fjellkassa til Steinbergdalshytta v/Solveig Kvakestad vert avslegen, grunna stramt fjellstyrerebudsjett med budsjettert underskot i 2020. Det vert og synt til at det vart gjeve eit tilskot frå fjellkassa på kr 50.000 i 2019.

Aurland, den 20.5.20

Utskrift til:

Fjellstyremedlemane og
-varamedlemene,
Grunneigarlaget for villreinvald,
Steinbergdalshytta,
Aurland folkebibliotek